

116h.

Luigi Ricci

W

Rm

1062

17


DE
SANGVINE IESV CHRISTI
RECTE ET SALVTARITER EXPENSO
DOCENTIBVS IXTA ATQVE DISCENTIBVS
IN SCHOLIS NON MINVS QVAM IN TEMPLIS
AD OFFICIA SVA DILIGENTER OBEVND
INCITAMENTO MAXIMO
MELETEMA

QVO
AD EXERCITATIONEM
ORATORIAM

IN MARTINEO HALBERSTADIENSI
AD D. XII. NOVEMB. HOR. VIII. ANTEMERID. CIO ID CC LI
DEO PROPITIO AVXILIANTE FVTVRAM
EA QVA PAR EST OBSERVANTIA
INVITAT

M. CHRISTIANVS FRIDER. HERTEL

AD AED. SPIR. S. PAST. ET MARTIN. RECT.



HALBERSTADII LITTERIS FRIDERICIANIS

15.

Synopsis.

Scholae et templa sunt eadem, et utrobique discipulorum profectus non numquam debent explorari, §. I. Variis modis, quibus discipulorum industriam exacuere uolunt docentes, hi non adsequuntur finem optatum, §. II. Ut docentibus et discipulis adiiciantur calcaria, filii sui deus expendendum proponit sanguinem, per quem quid intelligatur, §. III. Ad obiectionem, quod, quae iam proferuntur, satis sint cognita, respondetur, §. IIII. Abusus sanguinis Christi fuit quondam, et adhuc hodie est, maximus, §. V. Hominibus a natura corruptis insidet inimicitia in Christum, eiusque sanguinem, per quem nero ita desiderantes iustificantur et sanctificantur, §. VI. Quid adiumenti sanguis Christi praebeat scholarum templorumque doctoribus in officio obeundis, §. VII. Quid in mentibus discipulorum, siue in scholis, siue in templis, Iesu Christi efficiat sanguis salutariter expensus, §. VIII. Diuitis nostris quid sacrae litterae adferant luminis, §. VIIII. Docentes ac discipulos rogantur, uelint eniti, ut per sanguinem Iesu Christi officio suo satisfaciant, perque eundem reges fiant atque sacerdotes, §. X.



§. I.

BERIORIS doctrinarum diuinitus patefactarum
 cognitionis hauriendae caussa ubi congregamur,
 templa nostra, quum nihil sint aliud, quam
 scholae, siue inferiores respicias, siue superio-
 res, quibus pueri atque adolescentem uaria-
 rum rerum consequuntur scientiam: mi-
 rari subibit neminem, nos erudientes in utrisque locis ac docen-
 dos coniugare, et ueluti consarcinare. Vtrobique uera saluta-
 risque numinis notitia fideliter tradatur, auideque arripiatur; eidemque
 alia ab hominum industria originem trahentia, et ad huius uitae com-
 moda referenda, in scholis, maioribus praesertim atque illustrioribus, ad-
 iungantur. Idem uero et docentibus et discentibus debet esse propo-
 situm, ut illi prodesse uelint, hi proficere. Hinc quemadmodum di-
 scipuli in scholis nostris, et studiosi ex academiis reduces, suam ten-
 tari



tari eruditionem patiuntur: ita etiam templorum limina calcantium profectus, ab iis, quibus conscientia, et muneris ratio, id iniungit, sunt explorandi. Quod si, eo, quo par est, modo, fieret, intellecturi essent prudentiores, istos adultiores, qui per annos longe plurimos uerba facientem ex pulpito sacro audiuerunt, saepe non modo nihil didicisse, sed magnam etiam partem dogmatum in scholis perceptorum dedidicisse. Culpa uero cui sit attribuenda, auditori soli, an per saepe etiam doctori, quaestio est indaginis altioris.

§. II.

AD officium suum dextre explendum, quibus modis docentes non minus inflammari debent, quam discentes; iam diu omnia a sapientioribus sunt pertentata. Etenim rerum doctrina capiendarum, earumque utilissimarum et excellentissimarum, contemplatio; praemia, industriis doctoribus proposita, atque auditoribus; uaria incitamenta, et pro diuersitate aetatis atque indolis hominum adiuncta; alia praeterea a bonae methodi, hominumque animos adiciens di artis, haud ignaris excogitata, finem adsequi uisa sunt exoptatum. At ab humana qui ducuntur prudentia, in hac ipsa re saepius uehementer esse deceptos, non a me solo, sed innumeris aliis, satis est perspectum.

§. III.

BENEFICENTISSIMVS interim quum omnino uelit **DEVS**, ut mortales ad ea pertingant, quae ipsis opportuna sunt, uereque salutaria; adeoque in uotis etiam ueluti habeat, ut, qui uiam monstrare, quique calcare debent, qua ad prosperitatem beatitudinemque perdu-

perducimur, officium suum, ratione uoluntati supremæ conformi, meminerint: aliquid, ob diuinum suum infinitumque ualorem, hominum angelorumque linguis numquam satis extollendum, in litteris proponit sanctioribus, diligentissime considerandum, inque usus salutare conuertendum; sanguinem inuocato seruatoris optimi Θεωδωρον, diuino-humanum, per typos prioris foederis adumbratum. Per hunc ipsum sanguinem diuiniore litteræ non intellectum modo uolunt illum materialem filii Dei; sed omnes etiam cruciatus, quos Christus, dum iustitiæ diuinæ pro totius mundi peccatis satisfacere adnibatur, magnam uim sanguinis profundendo, prompto alacrique perpeffus est animo. Immo obsequium cum merito summo coniunctum patri caelesti præstitum hoc sanguine simul nouimus esse inclusum; quippe in cruenta et acerbissima morte obeunda, optimi seruatoris summa animi propensio ad patris æterni nutum sese accommodandi, sancteque iratum Deum placatum efficiendi, ratione emicuit stupenda. Quocirca uirorum diuina luce collustratorum pronuntiata, *Act. XX, 28. Col. I, 14. 1 Petr. I, 19. 1 Io. I, 7.* heic sunt perpendenda.

§. IIII.

NEC uero ab hoc meo proposito, hancce rem cognitione longe dignissimam aliquantum contemplandi, ideo deflectam, quando quis forsan obiiciat, me nihil noui ad doctrinæ adferre theologicas. Apicem sanctiorum dogmatum, salutem hominum æternam respicientium, adhuc hodiè esse, uti inde ab ecclesiæ fuit incunabulis, hoc ipsum dogma de sanguine redemptoris diuino. Hanc ideo, pergat, pacis nostræ, ut ex uate diuinitus admonito loquendi formula per-



tatur, (*) disciplinam, cuius aetati, in templo atque in schola, proponi; quum omni tempore, tum illo in primis, quo cruciatuum seruatoris memoriam ecclesia sibi sumit recolendam. Rem ita se habere, laboremque nostrum, quem iam suscipimus, esse superuacaneum, ipsi censeremus, nisi plerorumque hominum uitae ratio institutioque, pretii seruatoris sanguini statuendi proderet ignorantem. Ex degendae uitae genere, quod sibi homines constituunt, facile colligi potest, quid Christi sanguini insit efficaciae, se numquam esse expertos. Pertritus uero hic uiuendi cursus, quem homines sequuntur, commonstrat, aut eos, qui ecclesiae doctores se praedicari uolunt, multo praestantissimam de sanguine Christi doctrinam non dilucide satis explanasse; aut malos auditores in eadem, quae solenter ac fidelissime tradita erat, recte adhibenda, animum, curam et cogitationem non posuisse. Quod si omnium saluberrima, quae praecipuntur de sanguine Christi, minus recte percipiuntur, ab usu operum et beneficiorum Dei uero, in regno gratiae, immo etiam naturae, (**) excluduntur.

§. V.

FINGERE uero saepe sibi met sanguinis Christi usum mortales, haud

(*) IES. LIII, 5. hebr.

(**) Beneficiis, etiam in regno naturae, hominem non nisi Deo per sanguinem Christi reconciliatum, recte, et ex uoto, frui posse, theologus de ecclesia Christi immortaliter meritis, summe uenerabilis abbas, IO. AD. STEINMETZIVS, commonstrat in praefatione ad librum, qui inscribitur: *Geistliche Gedichte der Fräulein Augusta Elisabeth von Posadowsky, gebornen Freyin von Postelwitz, Magdeburg, 1751, Bl. 14. 15.*

haud quaquam comprobandum, experientia duce, non minus con-
discimus, quam ex historia ecclesiastica. Haec docet, usos esse non
nullos, in epistolis conscribendis, loco atramenti, seruatoris san-
guine, uel potius uino consecrato. Etenim quum dirarum fierent
obnunciationes, siue litterae, uti uulgo loquimur, excommunica-
toriae aduersus haereticos essent exarandae; aut si cui munus abro-
gandum, aut res paullo grauior subscriptione confirmanda: sangui-
nem Iesu Christi ex calice benedicto hauriri debere, eoque subscri-
ptionem fieri posse efficaciorē, crediderunt (*). Quem sicuti haud
quisquam rei tam sacrae excusabit abusum, aut hodie imitandum pu-
tabit: ita esset optandum, ut, si non grauior, certe non leuior, ir-
repisset, ex quo homines minus praeparati, adeoque indignissimi,
ad sacrum illud epulum, a Christo, paullo ante mortem, institutum,
inconsulte ac temere accedunt. Quam igitur dolet atque horrescit
diuini uerbi minister paullo religiosior, quando, gratiarum actionis
poculum porrigendo, facile coniicit, plurimos ex eodem bibentes
pretiosissimum noui foederis sanguinem iudicare impurum, (**) nefan-
doque modo, immo porcorum canumque ritu, (***) pedibus eum-
dem conculcare.

A 3

§. VI.

(*) Conferri, si placet, potest, B. IO. ANDR. SCHMIDII disp. de litte-
ris sanguine Iesu Christi firmatis, Helmst. 1713, et GEORG. HENR.
GOETZII, sacrorum Lubecens. quondam antistitis, dissert. de subscri-
ptionibus sanguine humano firmatis, addito rubro germanico: Von Un-
terschreibungen, die mit Menschenblute geschehen. Lubecae, 1724.

(**) HEBR, X. 29. (***) MATTH, VII. 6.



§. VI.

QVI igitur rectus salutarisque sanguinis huius diuini usus sit, id iam paucis inuestigemus; quemadmodum hoc ipsum, qui christianus uere uult haberi, unicuique, id putamus esse faciendum. Tantum uero id abesse intelligimus, ut homines in sanguine hoc inaeestimabili, legitimoque illius usu, omnem ponant cogitationem, ut praefracte etiam monitoribus suis repugnent. Vitiosae, cui mortales uiuunt congruenter, naturae talis est instinctus, ut ipsis in nullam rem tam grauis, licet tacita et occulta, sit inimicitia, quam aduersus redemptorem suum, eiusque sanguinem pretiosissimum. Re alia nulla si id miseri probarent, planum certe facerent peccatis suis, testibus tamquam locupletissimis. Nefarios uero gratiae diuinae, beneficiorumque ab optimo seruatore in ipsos collocandorum, sese esse contentores, inde patescit, quod salubrioribus caelestis spiritus se subiicere nolint castigationibus, adeoque respiscere haud incipiant. Quando uero uulnera per diuinae legis transgressiones sibi inflicta, ac nondum obligata, cum stupore animaduertunt: tunc statim seruatoris uulnera auro gemmisque ipsis erunt cariora: quippe per quae caelum nubibus huc usque ueluti obscuratum, serenum atque apertum intuentur. Confidentissime igitur Christo se totos committunt pacificatori, eiusque sibi iustitiam, cruenta morte partam, uindicando, summa animi intelligunt uoluptate, se a laudato reconciliatore iustos et infontes declarari, sibiue ueniam dari atque impunitatem. Nec nisi laetissimi sentiunt, ad piacula fontem sibi esse apertum seruatoris sanguinem; (*) eodemque conspergi, optimo

(*) ZACHAR. XIII, I.

mo tamquam condimento, opera et actiones suas; adeoque ad bonorum caelestium possessionem pateferi aditum, huc usque obstructum.

§. VII.

QVAE quum ita sint, nemini mirum uideri potest, nos sanguini Iesu Christi, in animis docentium discentiumque commouendis, uim tribuere acerrimam. Proinde qui, siue in scholis, siue in templis, docentium munere funguntur, dummodo in iustificatione sic dicta, siue in criminum suorum depulsione, se morte seruatoris, numinis graui culpa laesi amissam recollegisse beneuolentiam, fenserunt; hi, inquam, quorum, prohi dolor! sunt paucissimi, a certo ueroque iudicabunt sensu, se, quibus sanguis Christi semper adiicit calcaria, haud quaquam committere posse, ut partes suae requirantur. Satis habent cognitum, non ideo tormenta inter uehementissima, seruatoris profusum esse sanguinem, huius ipsius auxilio ut ii, qui doctores caeli compita monstrantes uolunt uideri, auri tamen argenteique plurimum corrasuri, pinguibus, ac suae congruentibus auaritia, inhiant muneribus. Sed transeant carcinomata haec sacra. Omissum nos reuocant in tramitem serui Christi fideliores, ab illis reiectaneis longa intercapedine disiuncti. Maxima tacti misericordia, diuini deprecatoris nostri, sanguis adhuc ueluti tepidus, ipsorum ita, in natiuitate noua, resperfit praecordia, ut omnium hominum ipsos commiserescat, eorum in primis, quos auditores in templo atque in schola a numinis prouidentia sibi datos agnoscunt. Namque illos, qui rationale et alienum a fraude lac
 apperunt,



appetunt, (*) erudituri, qua ratione ad dulcedinem caelestissimarum doctrinarum perueniant degustandam : quantum pretii hominum mentibus diuino sanguine ab acherunte redemptis fit faciendum, bene perpendunt; adeoque precibus indefessis, ac meditatione diligentissima, accingunt sese ad grauissimum, curaque intentiore dignissimum, negotium rite peragendum. Quapropter, quidquid ad regnum seruatoris amplificandum ineunt consiliorum, eo spectat, ut uiam salutis docendos coarguant, caput, et rerum in doctrina christiana cognoscendarum summam, consistere in seruatoris sanguine rite ponderato, inque dies magis ponderando. Hunc igitur esse, contendunt, qui peccatorum molem, iraque diuinae grauitatem, in oculis nostris constituat; qui uero etiam summam animo adferat iucunditatem atque solatium; quique ad pietatem DEO tribuendam nos acriter impellat. Atque ubi haec de diuino sanguinis Christi ualore proponantur, non digniorem credimus locum esse templum, quam scholam: quum nulla in toto terrarum orbe detur regio, quae ad gloriam Christi manifestandam non sit accommodata. Scholarum certe et minorum, et maiorum atque celebriorum, doctores recte sentient, sanguinem seruatoris esse incitamentum ad labores duriores sustinendos, adleuamentum in molestiis perferendis, adiumentum praestantissimum in moribus iuuentutis emolliendis, totaque uita salutariter emendanda.

S. VIII.

(*) I PETR., II, 2.

§. VIII.

EST profecto in seruatoris sanguine, ab homine fidenter sibi uindicato, haec tanta uis, quae eundem, uirium suarum imbecillitatis haud immemorem, corroborat, et ad officia sua impigre exsequenda stimulat. Atque hoc experiuntur etiam, qui mentis exoliendae, doctrinarumque, quas ad salutem suam conducere arbitrantur, caussa, templorum scholarumque occupant subsellia. Quod enim ad auditores priore loco dictos attinet, hi ipsi, quid Christi sanguis ualeat efficiatque, si recte pensitant, oraculorum diuinorum interpretem, summo numini, ob fidem probatam, carissimum, deamabunt, illiusque sermonibus sacris, seruatoris sanguine ueluti stillantibus, duriore modo nequaquam adacti, intererunt. Fructus ex eiusmodi homiliis, minime uero ex aliis, certos percipient et uberrimos; atque ad peragenda ea omnia, quae seruatori grata et accepta sunt, semet sentient prouocatos. Neque minus etiam, qui discendi caussa in scholis conueniunt, siue qui prima rudimenta et primos exigunt annos, siue qui artium scientiarumque disciplinis, prouectiore aetate uberius excolendis, sese addicunt; hi omnes, animo ad uerum sanguinis Christi usum appulso, ex eo ipso maxima habebunt emolumenta. Quando enim, ut unicum adducam, peccatis suis se pressisse, uitaeque fatigasse (*) seruatorem cruentatum intelligunt: tunc profecto, in litterarum studiis prosequendis, parcere, honoris DEI, redemptorisque de nobis tantopere meriti, amplificandi caussa, se nulli debere labori, neutiquam dubitabunt.

§. VIII.

ATQVE ut a nobis usque adhuc dictis lumen praeferatur

B

claris-

(*) IES, XXXXIII, 24.



clarissimum, producamus, attentoque animo excipiamus, quae Paullus habet apostolus, in litteris ad Hebraeos exaratis cap. VIII. comm. 12. 13. 14. Namque quando illic, purgare nos a mortuis operibus Christi sanguinem, diuinus uir adfirmat, ut uiuentem, eo, quo par est, modo, DEVM colamus: haec ad docentes et discentes esse omnino referenda, eorumque mentibus natura remisiss sanguinem illum laudatissimum, praeclarum tamquam et efficax remedium, dummodo non dissolute renuant, ita posse applicari, ut impediatur, quo minus hi ipsi, qui tradunt doctrinas, et qui eas percipiunt, languori se desidiaequae dedant, nemini de hoc putamus esse ambigendum. Congruentia scopo nostro, quae hic subnecti possent ad uerba Paulli in modo commemoratis ad Hebraeos litteris cap. X. comm. 19. nec non ad ea satis nota, quae in priore epistola sua cap. I. comm. 18. 19. Petrus, legatus itidem diuinus, pronunciauit, iis non immoramur: utpote qui, quomodo huc pertineant, a quouis id conici posse lectore, facile credimus.

§. X.

DIVINIORIBVS hisce effatis utinam omnium optimis rebus alios instituentium, adeoque etiam ipsorum in templis ac scholis condoces faciendorum animi flecterentur, ut Iesu Christi, crucis, ligno adfixi, iam uero aeterna gloria cum patre et spiritu florentis, meritisque in genus humanum infinitis conspicui, sanguinem rem sibi efficerent longe notissimam, ut, toti ad uoluntatem nutumque Dei O. M. conuersi, uires inde haberent, negotia sua bene ac sapienter tractandi. At enim in docentium discendumque ordine copia eorum datur, proh dolor! minima, qui, quidquid pollent, ac laudabile perficiunt, morti cruentae seruatoris iam exaltati, eiusque

que intercessioni, ac uirtuti, nullis terminis definitae, adscribunt. Hominem sibi ipse nimium sapere, nimium credere, adeoque nimiam in ingenii sui facultatibus collocare fiduciam, in consuetudine cum aliis quotidiana dolentes intelligimus. Nam tametsi homini tantum adhuc superest uirium naturalium, ut in societate hominum et coniunctione seruanda suum alteri alter perfoluere possit officium, et, quae muneris functio requirit, procurare: exploratum tamen habemus, quae a nobis agenda suscipiuntur omnia, summo numini gratiore et acceptiore modo, aliorum commodis longe conuenientiore, nobis uero ipsis ad maiorem animo uoluptatem conciliandam, omnino aptiore, expeditum iri, si, ob secundum numinis fauorem seruatoris sanguine partum, lumen nobis porrigitur diuinum, mentis nostrae, optimi semper eligendi nesciae, caliginem discutens. Is ipse sanguis adhuc tamquam calidus, in officio cuiuslibet delato omnia considerate ac diligentissime faciendi, instinctu quodam diuino neminem non concitabit. Atque quum ex magno docentium et discipulorum numero id ipsum paucissimi, eo, quo conuenit, studio, expendant: illos oramus obtestamurque, uelint, ut in posterum maioris aestimare discant sanguinem Iesu Christi diuinum, quae Ioannes habet in apocalypsi sua cap. I. comm. 6. sine intermissione referre ad animum. Sanguinem enim, qui nos Deo, dominique ac seruatoris nostri patri, reges et sacerdotes facere potest, et qui quam plurima hominum millia iam diu effecit, quoslibet adhuc homines, huiusce ipsius supplices ueneratores, peccatorum licet coeno oblitos, ab eodem esse depurgaturum, atque solii reconciliatoris sui confortes facturum, putamus fore neminem, fidem sacris litteris tribuentem, qui uelit, aut possit, inficiari.

Die Namen und Thematata der Redner.

1. **Johann Christoph Gottfried Allleben,**
aus Halberstadt, von dem, was wunderbar ist bey dem natürlichen
Lichte; vor welchem gleichwol das göttliche Gnadenlicht in der Seele,
und insonderheit das ewige Licht, der Sohn Gottes, der in die Welt
gekommen, alle Menschen zu erleuchten, einen grossen Vorzug be-
hauptet, französisch.

2. **Johann Ignatius Geier,**
aus Halberstadt, von der Menschwerdung Jesu Christi, als einem
Hauptgrunde unsers Vertrauens auf Gott, in einem teutschen trochai-
schen Gedichte.

3. **Anton Johann Christian Probsthan,**
von Harsleben, von der Geburt unsers grossen Vorsehers und Wieder-
herstellers, der uns durch die Menschwerdung zu seinen Brüdern erwählen,
und der göttlichen Natur, nach 2. Petri 1, v. 4. theilhaftig machen
will, in einem lateinischen alcaischen Gedichte.

4. **Johann Wilhelm Preiß,**
von Thüringenhausen im schwarzburgischen, von den berühmten Wage-
hälften des russischen Reichs, den falschen Demetriis, teutsch. Es
werden Erinnerungen hinzugefügt, die auf die Verhütung des Lasters
der Vermessenheit und Tollkühnheit zielen.

5. **Friedrich Wilhelm Balthasar Bergmann,**
aus Halberstadt, von den unrichtigen Urteilen und Schlüssen der
Menschen, wie überhaupt, also vornämlich in Ansehung der Religion,
und der Menschwerdung unsers Erlösers, lateinisch.

6. **Johann Gottfried Starke,**
von Wansleben im magdeburgischen, von den wichtigsten Lebens-
umständen des berühmten Erzbischofs zu Upsal in Schweden, Bengelius;
sonder

sonderlich von den Merkwürdigkeiten seiner ehemaligen Reisen. Die Gelegenheit zu dieser teutschen Rede gibt die Königliche Erönung in Schweden, welche durch diesen Prälaten pflegt verrichtet zu werden.

7. Eberhard Friedrich Just Müller,
aus Halberstadt, von den ehemaligen Aufzügen des so genannten heiligen Christes, als einem grossen Greuel in der Christenheit. Wobey im Schlusse dieser lateinischen Rede von dem comödiantenhaftigen Christenthume der mehresten Menschen etwas berüret wird.

8. Johann Friedrich August Ringlieb,
von Güntersberg im Anhalt-Bernburgischen, von den edelsten Sittenlehren, deren Erkenntnis die heidnischen Weltweisen nicht ihrem Verstande, sondern der heiligen Schrift, die unter ihnen nicht ganz unbekannt gewesen, danken müssen. Wobey in dieser lateinischen Rede gezeigt wird, wie diese Weisen von der Veröhnung mit dem höchsten Wesen, welche die Menschwerdung des Sohns eines ewigen Vaters zum Grunde hat, durch ihre sich selbst gelassene Vernunft nichts haben einsehen können.

9. Johann Friedrich Jochnus,
von Oschersleben, von der verschiedenen Art zu denken unter den Menschen, teutsch. Der Eingang handelt von der wunderbaren Verschiedenheit der menschlichen Gesichter. Und der Beschluß wird mit danken und wünschen gemacht.

Texte zur Musik.

Zum Anfange.

Lit. 2, v. 11. 12. 13.

Es ist erschienen die heilsame Gnade Gottes allen Menschen, und züchtiget uns, daß wir sollen verläugnen das ungdttliche Wesen, und die weltliche Luste, und züchtig, gerecht, und gottselig leben in dieser Welt, und warten auf die selige Hoffnung und Erscheinung der Herrlichkeit des grossen Gottes, und unsers Heilandes Jesu Christi.

Nach



Nach der ersten Rede.

Das ewige Licht geht da herein, gibt
der Welt einen neuen Schein; es leucht
wol mitten in der Nacht, und uns des
Lichtes Kinder macht, Kyrieleis.

Das hat er alles uns gethan, seine
grosse Liebe zu zeigen an. Des freut sich
alle Christenheit, und dankt ihm des in
Ewigkeit, Kyrieleis.

Nach der dritten Rede.

Abglanz jener Herrlichkeiten,
Ursprung jener Himmelspracht,
Du hilfst uns aus Dunkelheiten,
Du bist, der uns göttlich macht,
Du steigst von den höchsten Thronen,
Wilst in unserm Fleische wohnen,
Und dein Herz erklärt sich
Gegen alle brüderlich.

Nach der fünften Rede.

Ach! je mehr ich armer denke,
Und sich dieser Geist bewegt:
Je mehr ich in Noth mich senke,
Und je mehr sich Wehmuth regt.
Was nutzt meiner Schlaffe Kraft,
Wenn kein Mensch mir Hülfe schafft.
Endlich muß ich doch gewinnen,
Wenn ich schon verlohren schien.
Sammlet euch, zerstreute Sinnen,
Mein Glück will vom neuen blin.
Gott wird Mensch auf Heu und Stroh;
Nun werd ich in der Menschheit froh.

Nach der siebenden Rede.

Eröffne dich, du Schauplatz dieser Erden,
Und zeig uns Menschen an,

So nicht ein Traum und falscher Wahn
Läßt Christen werden;
Die sich von Gott belebet fühlen,
Und scharf auf jenes Kleinod zielen.
O unverfälschtes Christenthum!
Wie lange sieht man sich nach dir verge-
bens um.

Ein ieder lebt nach seiner Phantasie,
Und sucht, mit Thorheit wohl begabet,
Was seine Lüste labet,
Kann als ein halber Mensch, mehr als
ein halbes Vieh!

Zwar wird durch List die Lust verfüllt,
Die eitler Menschen Wunsch erfüllt,
Wenn diese, bey den scheinbar schönen
Werken,
Die andern, und sich selbst, in blinder Wei-
nung stärken.

Gehet immerhin in reicher Zahl
Zur Kirch, und jenem theuren Abendmal!
Gebt vor, bey eurem argen Triebe,
Ihr hättet Glauben und die Liebe.
Fehlt euch die Sinnesänderung,
Und wahre Heiligung:
So wisset, die Verstellungskünste
Sind bloße Dünste.
D treibt doch länger nicht die Gaukeley,
Und macht euch von euch selbstn frey.

Nach der achten Rede.

Mit viel Vernunft begabte Weisen,
Ich will euch als vollkommne preisen,
Wo euer Wisz das Mittel kennt,
So man mit Recht höchst schätzbar nennt,
Daf sich der Mensch mit Gott verbinde,
Und ihn der Friede Gottes krönt.

Zum Beschlusse.

Psalm. 117.

Lobet den Herrn, alle Heiden, preiset ihn, alle Völker. Denn seine Gna-
de und Wahrheit waltet über uns in Ewigkeit, Halleluja.



AB 1539 11


ULB Halle
002 175 630 3



Sto.

1017





B.I.G.

Farbkarte #13

17


DE
SANGVINE IESV CHRISTI
RECTE ET SALVTARITER EXPENSO
DOCENTIBVS IVXTA ATQVE DISCENTIBVS
IN SCHOLIS NON MINVS QVAM IN TEMPLIS
AD OFFICIA SVA DILIGENTER OBEVNDA
INCITAMENTO MAXIMO
MELETEMA

QVO
AD EXERCITATIONEM
ORATORIAM

IN MARTINEO HALBERSTADIENSI
AD D. XII. NOVEMB. HOR. VIII. ANTEMERID. CIO IO CC LI
DEO PROPITIO AVXILIANTE FVTVRAM
EA QVA PAR EST OBSERVANTIA
INVITAT

M. CHRISTIANVS FRIDER. HERTEL

AD AED. SPIR. S. PAST. ET MARTIN. RECT.



HALBERSTADII LITTERIS FRIDERICIANIS

15.

